


ქართული ოცნების ანგიდასავლური პოლიტიკა - შესაძლებლობა ირანისთვის

როგორ იყენებენ ირანული კომპანიები
საქართველოს, სანქციების გვირდის ასავლელად?



სარჩევი

დიპლომატიური კავშირების ინტენსიფიკაცია	2
ირაკლი კობახიძის ვიზიტები ირანის ისლამური რესპუბლიკაში	2
ეკონომიკური თანამშრომლობა “ქართულ ოცნებასა” და ირანის ისლამურ რესპუბლიკას შორის: ირანული ნავთობი საქართველოში	3
გრაფიკი #1: ირანიდან ექსპორტ-იმპორტის მაჩვენებელი	4
გრაფიკი #1: ირანიდან იმპორტის მაჩვენებელი	5
გრაფიკი #3: ირანიდან ნავთობის და ნავთობპროდუქტების იმპორტის მაჩვენებელი	5
გრაფიკი #4: ირანიდან ნავთობის და ნავთობპროდუქტების იმპორტი	6
როგორ იყენებენ ირანული კომპანიები საქართველოს სანქციების გვერდის ასავლელად.....	9
აშშ-ის სახაზინო დეპარტამენტის სანქციები	12
აშშ-ის ვაჭრობისა და უსაფრთხოების ბიუროს სანქციები	13
აშშ-ის ვაჭრობის დეპარტამენტის სანქციები	13
ირანთან დაკავშირებული ქართული ორგანიზაციები/ინდივიდები	15
ვინ არის თამაზ ჩადუნელის ბიზნეს პარტნიორი დალიბორ კოპი?	19
“ქართული ოცნების” საგარეო პოლიტიკის პარადოქსი: ირანის ისლამურ რესპუბლიკასთან პარტნიორობა აშშ-სთან უსაფრთხოების გადატვირთვის ფონზე	24

„ქართული ოცნების“ ანტიდასავლური საგარეო პოლიტიკური კურსი ხელს უწყობს რეგიონში ავტორიტარული რეჟიმების გავლენის გაძლიერებას. ამ კონტექსტში გამონაკლისს არც ირანი წარმოადგენს. „ქართულ ოცნებასა“ და ირანის ისლამურ რესპუბლიკას შორის დიპლომატიური, პოლიტიკური თუ ეკონომიკური თანამშრომლობა ფართოვდება.

გთავაზობთ ანგარიშს, რომელიც მომზადებულია საჯაროდ ხელმისაწვდომი წყაროების ანალიზზე დაყრდნობით და ასახავს „ქართულ ოცნებასა“ და ირანის ისლამურ რესპუბლიკას შორის მზარდ კავშირებს.

ერთი ახალი ამბავი, 2 ივლისი, 2025 წელი;

წინამდებარე ანგარიშის გამოსაცემად გამზადების დროს, „ქართული ოცნება“ მორიგ სკანდალში გაეხვია. ივანიშვილის რეჟიმის საგარეო საქმეთა მინისტრის მოადგილე, ალექსანდრე ხვთისიაშვილი თბილისში ირანის საელჩოში „ისრაელის რეჟიმის განხორციელებული თავდასხმისას დაღუპულ მონამეთა ხსოვნისადმი“ მიძღვნილ ღონისძიებაზე [მივიდა](#). ირანის საელჩოს მიერ გავრცელებული ინფორმაციის თანახმად, ხვთისიაშვილმა საელჩოში გახსნილ სამძიმრის წიგნში ჩანაწერი გააკეთა და გამოთქვა სოლიდარობა ირანის მიმართ. მოგვიანებით, ისრაელის საელჩომ გაავრცელა [განცხადება](#):



“იმ დროს, როდესაც დასავლეთი გმობს ირანის თავდასხმებს ისრაელის მშვიდობიან მოსახლეობაზე და მხარს უჭერს მისი ბირთვული და გენოციდური ამბიციების შეჩერების მცდელობებს, ღრმა იმედგაცრუებას იწვევს საგარეო საქმეთა მინისტრის მოადგილის ასეთ ღონისძიებაში მონაწილეობის ხილვა. ეს მორალურად არასწორია“.

დიპლომატიური კავშირების ინფენსიუიკაცია:

ირაკლი კობახიძის ვიზიტები ირანის ისლამურ რესპუბლიკაში

ბოლო წლებში „ქართული ოცნების“ ანტიდასავლური რიტორიკა საჯარო განცხადებების ფარგლებს გასცდა და ავტორიტარულ რეჟიმებთან ღია თანამშრომლობაში გადაიზარდა. „ქართული ოცნების“ პრემიერ-მინისტრი, ირაკლი კობახიძე, 2024 წელს ოფიციალური ვიზიტით ირანს ორჯერ ეწვია.



2024 წლის 22 მაისს, კობახიძე [დაესწრო](#) ირანის პრეზიდენტის, იბრაჰიმ რაისისა და ირანის საგარეო საქმეთა მინისტრის, ჰოსეინ ამირ-აბდოლაჰიანის დაკრძალვის ცერემონიას. საყურადღებოა, რომ კობახიძესთან ერთად, ცერემონიას ესწრებოდნენ ჰეზბოლასა და ჰამასის ლიდერები. მოგვიანებით, 2024 წლის 30 ივლისს, კობახიძე [დაესწრო](#) ირანის ახალი პრეზიდენტის, მასუდ ფეზეშქიანის ინაუგურაციას.

ფოტოს აღწერა: *ირაკლი კობახიძე იბრაჰიმ რაისის დაკრძალვის ცერემონიაზე.*

სწორედ საინაუგურაციო ცერემონიაზე კობახიძეს „ერგო პატივი“ ჰამასის ყოფილ ლიდერ ისმაილ ჰანიესთან ერთად კადრში მოხვედრილიყო. მეორე ვიზიტის ფარგლებში, ირაკლი კობახიძემ ირანის ახალ პრეზიდენტთან მასუდ ფეზეშქიანთან ოფიციალური შეხვედრაც გამართა.

საქართველოში ირანის საელჩოს ინფორმაციით, შეხვედრაზე კობახიძემ განსაკუთრებული [ყურადღება გაამახვილა](#) ორი ქვეყნის „**მაღალ მოტივაცი-აზე**“ ურთიერთობების გაღრმავების მიმართულებით. გარდა პოლიტიკურ ურთიერთობებზე საუბრისა, მხარეებმა ეკონომიკური თანამშრომლობის გაფართოების მნიშვნელობაც განიხილეს.

“



მოხარული ვართ, რომ ორი ქვეყნის ურთიერთობა სხვადასხვა სფეროებში წინ წავიდა, ასევე დღითიდღე იზრდება ხალხთა შორის კავშირები და თანამშრომლობა ირანისა და საქართველოს კერძო სექტორებს შორის.


ფოტოს აღწერა: *ირაკლი კობახიძე ფეზეშქიანთან შეხვედრის დროს, 2024 წლის 30 ივლისი.*

ნიშანდობლივია, რომ მიუხედავად მაღალი საზოგადოებრივი ინტერესისა (საქართველოდან მთავრობის მეთაურის ბოლო ვიზიტი ირანში 2024 წლის 30 ივლისს განხორციელდა), პრაქტიკულად არ არსებობს ინფორმაცია ვიზიტის დროს განხილული საკითხების, მიღწეული შეთანხმებების ან კონკრეტულად დაგეგმილი ერთობლივი პროექტების შესახებ. „ქართული ოცნების“ მხრიდან ვიზიტის შესახებ ინფორმაციის ნაკლებობა და დახურული კომუნიკაცია ქმნის საფუძველს, ვიფიქროთ, რომ ბატონ კობახიძეს და მის კოლეგებსაც კარგად ესმით, რამდენად საზიანოა მსგავსი ვიზიტები საქართველოს ეროვნული ინტერესებისთვის. სწორედ ამ მიზეზით, ისინი თავს იკავებენ შეხვედრების შინაარსზე საჯარო დისკუსიისგან. თუმცა, ამას ხელი არ შეუშლია მათთვის „სიკვდილი ისრაელს, სიკვდილი ამერიკას“ და მსგავსი შეძახილების ფონზე გადაღებული ფოტოები საჯარო სივრცეში გამოეფინათ.

ეკონომიკური თანამშრომლობა “ქართულ ოცნებასა და ირანის ისლამურ რესპუბლიკას შორის: ირანული ნავთობი საქართველოში

პოლიტიკური თანამშრომლობის პარალელურად, საქართველოსა და ირანს შორის სავაჭრო ბრუნვა მზარდია, მიუხედავად იმისა, რომ ირან-საქართველოს შორის ვაჭრობა უარყოფითი სავაჭრო სალდოთი ხასიათდება და ირანიდან იმპორტი მნიშვნელოვნად აღემატება საქართველოდან ირანში ექსპორტს. მაგალითისათვის, 2024 წელს, საქართველოდან ირანში 36 მილიონი აშშ დოლარის ღირებულების საქონელი გავიდა, მაშინ, როცა ირანიდან იმპორტი თითქმის 8-ჯერ მეტი იყო და შეადგენდა 285 მილიონ აშშ დოლარს (იხ. გრაფიკი #1).

გრაფიკი #1: ირანიდან ექსპორტ-იმპორტის მაჩვენებელი.




2020 წლიდან მოყოლებული, ირანიდან საქართველოში განხორციელებული იმპორტირებული პროდუქციის ღირებულება მნიშვნელოვნად გაიზარდა. (იხ. გრაფიკი #2).

თუ 2020 წელს ირანული იმპორტის მოცულობა 45 მილიონ აშშ დოლარს შეადგენდა, 2024 წლისთვის ეს მაჩვენებელი თითქმის ხუთჯერ გაიზარდა და 285 მილიონ აშშ დოლარს მიაღწია.


2021 წელს საქართველოში იმპორტირებული ნავთობისა და ნავთობპროდუქტების მოცულობა, 2020 წლის მაჩვენებელთან შედარებით, 154 პროცენტით გაიზარდა და 3413 ტონას შეადგენს.

გრაფიკი #2: ირანიდან იმპორტის მაჩვენებელი.




ირანიდან საქართველოში ექსპორტის ერთ-ერთ ძირითად წყაროს სწორედ ნავთობი და ნავთობპროდუქტები წარმოადგენს. ნავთობპროდუქტებს შორის კი, საექსპორტო პროდუქციის ძირითადი წილი მოდის ნავთობის კოქსზე, ბიტუმსა და ნავთობის გადამუშავების სხვა ნარჩენებზე (იხ. გრაფიკი #3).

გრაფიკი #3: ირანიდან ნავთობის და ნავთობპროდუქტების იმპორტის მაჩვენებელი.



2020 წლიდან მოყოლებული, ერთმნიშვნელოვანი ზრდის ტენდენცია შეიმჩნევა ნავთობისა და ნავთობპროდუქტების იმპორტში. თუ 2020 წელს ირანიდან 683 ათასი აშშ დოლარის ღირებულების ნავთობი და ნავთობპროდუქტები შემოვიდა, 2024 წლისთვის აღნიშნული მაჩვენებელი დაახლოებით გასამმაგდა და 2 მილიონ აშშ დოლარს მიაღწია (იხ. გრაფიკი #4).

გრაფიკი #4: ირანიდან ნავთობის და ნავთობპროდუქტების იმპორტი.



ფოტო 1



ფოტო 2




ფოტო 3

ფოტო #1, #2 და #3 გადაღებულია საქართველოს ტერიტორიაზე, 2025 წლის მაისში. ფოტოზე ნაჩვენებია ირანული სატვირთო მანქანები, რომლებსაც ნავთობპროდუქტები შემოაქვთ საქართველოში.

ირანულენოვანი წყაროების მიხედვით, საქართველოში ექსპორტის თვალსაჩინო მაჩვენებელი [აქვს](#) ისეთ პროდუქტებს, როგორიცაა სამშენებლო მასალები, ნავთობქიმიური პროდუქტები, ბიტუმი და საკვები პროდუქტები.

ზემოთ მოცემული მონაცემების გათვალისწინებით, საყურადღებოა, რომ ირანული ნავთობის იმპორტის საკითხი საერთაშორისო საზოგადოების მუდმივი ყურადღების ცენტრშია. ისლამური რესპუბლიკისთვის ნავთობპროდუქტებით ვაჭრობა შემოსავლის ერთ-ერთ მთავარ წყაროს წარმოადგენს. შესაბამისად, ირანიდან საქართველოში ნავთობის ექსპორტის მზარდი ტენდენცია შემაშფოთებელია, რადგან, ცხადად მიუთითებს ისლამური რესპუბლიკისთვის ირიბ ფინანსურ მხარდაჭერაზე.




ფოტოს აღწერა: [დონალდ ტრამპის პოსტი, Truth Social-ზე, 01/05/2025.](#)

ირანული ნავთობპროდუქტებით ვაჭრობის საკითხმა, რა თქმა უნდა, აშშ-ის პრეზიდენტის, დონალდ ტრამპის ყურადღება მიიქცია. 1 მაისს, ტრამპმა სოციალურ პლატფორმა Truth Social-ზე გამოაქვეყნა პოსტი:

გაფრთხილება:



“გაფრთხილება: ირანული ნავთობის ან ნავთობქიმიური პროდუქტების შესყიდვა დაუყოვნებლივ უნდა შეწყდეს! ნებისმიერი ქვეყანა, ან პირი, რომელიც ირანიდან ნავთობის ან ნავთობქიმიური პროდუქტების **ნებისმიერ რაოდენობას** შეიძენს, დაუყოვნებლივ **დაექვემდებარება** მეორად სანქციებს.“



საყურადღებოა, რომ ირანულენოვან ინტერნეტ-სივრცეში არაერთი სტატია მოიძებნება, რომელიც ირანულ ბიზნესმენებს საქართველოში ნავთობპროდუქტებისა და ნავთობქიმიური პროდუქტების ექსპორტთან დაკავშირებით პრაქტიკულ რჩევებს აწვდის. ერთ-ერთი მსგავსი კომპანიაა [Sadra Tejarat Company](#), რომელიც უზრუნველყოფს საკონსულტაციო მომსახურებას და ასევე, ნავთობქიმიური პროდუქტების ტრანსპორტირებას/ექსპორტს რამდენიმე ქვეყანაში, მათ შორის საქართველოში.

ფოტოს აღწერა: [Sadra Tejarat Company](#)-ის ოფიციალური ვებ-გვერდი.

პოტენციური ექსპორტიორებისთვის და ბიზნესმენებისთვის ერთ-ერთი მთავარი რეკომენდაცია, რომელსაც ირანულენოვანი ვებგვერდები ავრცელებენ, საქართველოში კომპანიის დაფუძნებაა. კერძოდ, ერთ-ერთი ირანული [წყარო](#) მიხედვით, საქართველოში კომპანიის რეგისტრაციას თან ახლავს მთელი რიგი უპირატესობები: ირანის მოქალაქეებს შეუძლიათ მიიღონ წვდომა თავისუფალ ინდუსტრიულ ზონებზე, ისარგებლონ გარკვეული საგადასახადო შეღავათებით და საქართველოში მოქმედი რეგულაციების შესაბამისად დააფუძნონ კომპანია კაპიტალის გარეშე.



მაგალითისათვის, კომპანია [Arad Branding](#)-ის ოფიციალურ ვებგვერდზე ირან-საქართველოს სავაჭრო ურთიერთობების შესახებ იძებნება სტატია, რომელშიც ხაზგასმულია საქართველოსთან ვაჭრობის უპირატესობები:

„მსოფლიოში ნებისმიერი ვაჭრობა დამოკიდებულია გარკვეული წესების დაცვაზე. ამ ტიპის ექსპორტისთვისაც მრავალი რეგულაცია არსებობს. თუ თქვენ გეგმავთ საქართველოსთან ვაჭრობას, გირჩევთ, რომ უპირველეს ყოვლისა, საქართველოში, განსაკუთრებით, პორტების მახლობლად, კომპანია დაარეგისტრირდეთ. ამ გზით შეგიძლიათ მარტივად განახორციელოთ ვაჭრობა. კომპანიის რეგისტრაციის შემთხვევაში თქვენ შეგიძლიათ ხარჯები მნიშვნელოვნად შეამციროთ. ეს, ასევე, იქნება ექსპორტისა და იმპორტის გამარტივების ძალიან მარტივი გზა.“ ([წყარო 1](#))

ეს არის ერთ-ერთი ციტატა იმ მრავლობითი ინტერნეტ წყაროებიდან, სადაც ირანული კომპანიები დაინტერესებულ პირებს უზიარებენ რჩევებსა და გამოცდილებას, თუ როგორ გამოიყენონ საქართველოს ტერიტორია საკუთარი ბიზნეს ინიციატივებისთვის და სხვადასხვა მაქინაციური სქემებით, საერთაშორისო სანქციებს გვერდი აუარონ.

როგორ იყენებენ ირანული კომპანიები საქართველოს, სანქციების გვერდის ასვლელად

ირანი, რომელიც არაერთი საერთაშორისო სანქციის ქვეშ არის, მთელი რიგი სქემების გამოყენებით, მაინც ახერხებს მსოფლიო ბაზარზე ნავთობის გატანას. ამ თვალსაზრისით, საქართველოსთან თანამშრომლობის გაძლიერებას ისლამური რესპუბლიკისთვის სერიოზული მოტივაცია აქვს:

საქართველოს მეშვეობით და საქართველოში რეგისტრირებული კომპანიების გამოყენებით, თეირანს შეუძლია დაუკავშირდეს როგორც რუსულ და ჩინურ, ისე დასავლეთის ბაზრებს.

საქართველო-ირანის თანამშრომლობის ბოლოდროინდელი დინამიკის გათვალისწინებით, თამამად შეიძლება ითქვას, რომ თეირანს თავისუფლად შეუძლია საქართველოს ტერიტორიის გავლით, საერთაშორისო სანქციების გვერდის ავლა. ამ ვარაუდს კიდევ უფრო ამყარებს ის სტატისტიკური მონაცემები და მტკიცებულებები, რომლებიც ორგანიზაცია „სამოქალაქო იდეას“ გუნდმა მოიპოვა.

2013-2024 წლებში ირანის მოქალაქეებმა საქართველოში 9300 კომპანია [დაარეგისტრირეს](#). საქართველოს სტატისტიკის ეროვნული სამსახურის მიერ მოწოდებული ინფორმაციის მიხედვით, მხოლოდ 2024 წელს საქართველოში 382 ირანული კომპანია დარეგისტრირდა, რაც 2020 წლის მონაცემთან შედარებით, დაახლოებით 150 %-იან ზრდაზე მიაღწევს (იხ. ცხრილი #5).

ორგანიზაციულ-სამართლებრივი ფორმა	2020	2021	2022	2023	2024	2025 (1 მაისის მდგომარეობით)
სულ	253	241	459	466	382	85
შეზღუდული პასუხისმგებლობის საზოგადოება	228	188	360	298	175	41
სოლიდარული პასუხისმგებლობის საზოგადოება	1	0	0	0	0	0
ინდივიდუალური მეწარმე	22	50	98	168	206	43
არასამეწარმეო (არაკომერციული) იურიდიული	2	3	1	0	1	1

ცხრილი #5: 2020-2024 წლებში საქართველოში დარეგისტრირებული ირანული კომპანიები.

ირანულ ინტერნეტ-სივრცეში მრავლად მოიძებნება ბლოგები, რომლებიც საქართველოს ბიზნეს ინიციატივების დაწყებისთვის ხელსაყრელ ქვეყნად აღწერენ. მათი უმეტესობა განსაკუთრებით უსვამს ხაზს საქართველოს, როგორც მნიშვნელოვანი სატრანზიტო ჰაბის პოტენციალს. გარდა ამისა, აღნიშნულ ბლოგებზე, ხშირად აღნიშნულია, რომ საქართველოში საქონლის ექსპორტირებისთვის საჭირო ლიცენზიების მიღება შედარებით [მარტივია](#).

ჩვენი კვლევის შედეგად გამოიკვეთა, რომ ირანულ ინტერნეტ-სივრცეში განთავსებულია არაერთი სტატია, სადაც ღიად არის აღწერილი თაღლითური სქემები, რომელთა საშუალებითაც, ირანელი ბიზნესმენები და ბიზნესის წარმომადგენლები საერთაშორისო სანქციებს უვლიან გვერდს. ამ ბლოგებში განსაკუთრებული ყურადღება ეთმობა იმ [ფაქტს](#), რომ საქართველოს თავისუფალი ვაჭრობის შეთანხმება აქვს რამდენიმე ქვეყანასთან, მათ შორის - ევროკავშირთან, ხოლო „შელავათების ზოგადი სისტემის“ ფარგლებში ნდომა აქვს ამერიკის ბაზარზეც. შესაბამისად, აღნიშნული [სქემით](#) ირანელ ბიზნესმენებს შეუძლიათ თავიანთი პროდუქცია ჯერ საქართველოში, ქართულ ბაზარზე შეიტანონ, შემდეგ კი, პროდუქცია გადაფუთონ და საქართველოში წარმოებული პროდუქციის ეტიკეტით, მარკირების გზით მისი ექსპორტირება მოახდინონ ევროპულ ან ამერიკულ ბაზრებზე.



საქართველოს ევროკავშირში ინტეგრაციის შესახებ კანონის მიღებისა და ევროპაში ექსპორტირებული საქართველოში წარმოებული პროდუქტებისთვის საბაჟო ტარიფების გაუქმების გათვალისწინებით, ირანელი ვაჭრებისთვის შეიქმნა ხელსაყრელი გარემო: მათ შეუძლიათ თავიანთი საქონელი საქართველოში შეიტანონ, შემდეგ საქართველოში შეფუთვითა და საქართველოში წარმოებული პროდუქტის ნიშნით, საბაჟო ტარიფების გადახდის გარეშე და კონკურენტულ ფასად, განახორციელონ მისი ექსპორტი ევროპაში და ამერიკაშიც კი. [წყარო 2](#)

ورود به بازار گرجستان و صادرات مجدد کالای ایرانی از طریق این کشور

گرجستان **سرزمین فرصتها** محسوب می‌شود و با توجه به نفوذ ویژه گرجستان برای اتباع ایرانی اکنون فرصت بسیار مناسب است تا با کمی برنامه ریزی بتوان جهت سرمایه گذاری و صادرات به گرجستان اقدام کرد.

البته فقط نیایست تنها روی صادرات به گرجستان تکیه کرد زیرا بازار گرجستان یک بازار کوچک چهار میلیون نفری است که سریع اشباع می‌شود ولی می‌توان با برنامه ریزی دقیق جهت صادرات پسته، فرش، زعفران و انواع اجناس با کیفیت ایرانی به **اروپا** از طریق **گرجستان** اقدام نمود.

با توجه به تصویب **قانون همگرایی گرجستان** با اتحادیه اروپا و برداشته شدن تعرفه گمرکی اجناس تولید شده در گرجستان جهت صادرات به اروپا، **بستر مناسبی** برای تاجار و بازرگانان ایرانی مهیا شده است که اجناس خودشان را به گرجستان وارد کنند، سپس با بسته‌بندی در گرجستان و صادرات آن تحت پوشش اجناس تولید شده در گرجستان بدون تعرفه گمرکی و با قیمت مناسب‌تری قادر خواهند بود اجناس خودشان را به **اروپا** و حتی **آمریکا** صادر کنند.



ირანს ნამდვილად შეუძლია საქართველოსთან ვაჭრობის გზით ამერიკის მიერ ირანზე დაწესებული შეზღუდვებსა და სანქციებს გვერდი აუაროს და მსოფლიო ბაზარსა და სხვადასხვა პროდუქტით მსოფლიო ვაჭრობაზე წვდომა მოიპოვოს. ამასთან, საქართველოს ბაზართან მიმართებით ირანის მთელი ძალისხმევა ისაა, რომ საქართველოსთან ვაჭრობა თავისი ექსპორტისა და იმპორტის მნიშვნელოვან მიმართულებად აქციოს. ირანსა და ქართველებს შორის კარგი სავაჭრო, ეკონომიკური, კულტურული და ჭურისჭული კავშირები მიაწინებებს, რომ ამ ორ ქვეყანას კარგი მომავალი ელოდება. საქართველოს ერთ-ერთი უპირატესობა, რომლის მეშვეობითაც მას შეუძლია ირანი მსოფლიო ბაზარს დააკავშიროს, არის ის, რომ მას ვაჭრობის სფეროში აქვს ზევრი შეთანხმება ევროპასთან. ევროპასთან ვაჭრობა საქართველოსთვის ძალიან ადვილი და მომგებიანია. ამ შეთანხმების მეშვეობით, საქართველოსთვის ყველა ევროპულ და არაევროპულ ქვეყანასთან ვაჭრობის გზა გახსნილია. მაგალითისათვის, ევროპასთან, თურქეთთან, რუსეთთან, ყაზახეთთან და სხვებთან თავისუფალი ვაჭრობის შეთანხმებები გულისხმობს, რომ საქართველოს შეუძლია, ქვეყანაში წარმოებული საქონელი, საბაჟო გადასახადების გარეშე, ამ ქვეყნების ბაზარზე გაიტანოს. [წყარო 3](#)

لجارت با گرجستان - پرسودترین کار

blog.buskool.com/گرجستان-با-لجارت/

لجارت-با-گرجستان.com

مرحله ده مدرسی پرسود: • مرحله اساسی • حاشیه سود

تولید جوراب: صفر تا صد مراحل تولید • دستگاه های جوراب بافی

تولید لباس کودک: 9 مرحله اساسی • تولید • مواد اولیه

برند لباس نوآوری: 10 برند لباس کودک ایرانی و خارجی لاگوری

بهترین بند برای خرید لباس: 8 بند برای خرید عمده لباس با قیمت باورنکردنی

تولید نوار بهداشتی: هزینه راه اندازی خط تولید • مواد اولیه

تولید کرم مرطوب کننده: فرمولاسیون رایگان • راه اندازی خط تولید

دسته های مطالب

آرایشی، بهداشتی و سلامت

آموزش کشاورزی

خرما

صادرات

مد، پوشاک و پارچه

واردات کالا

حقیقتا ایران می تواند از طریق تجارت با گرجستان، محدودیت ها و تحریم هایی که از سوی آمریکا به ایران وارد شده است را دور بزند و خود را به بازار جهانی و تجارت جهانی محصولات مختلف برساند. علاوه بر این، تمام تلاش ایران این است که با توجه به بازار گرجستان، بتواند تجارت با گرجستان را به یک قطب مهم صادراتی و وارداتی خود تبدیل نماید. چرا که تجارت با گرجستان می تواند سودآوری بالایی برای ایران به همراه داشته باشد. آذربایجان شرقی یکی از مهم ترین شهرهای ایرانی است که می تواند در تقویت پروسه ی تجارت با گرجستان، نقش بسیار مهمی را ایفا نماید.

روابط خوب تجاری، اقتصادی، فرهنگی و گردشگری بین ایران و گرجی ها، خبر از این می دهد که آینده ی خوبی در انتظار این دو کشور خواهد بود. یکی از مزیت های گرجستان برای این که بتواند ایران را به بازار جهانی متصل کند این است که این کشور دارای توافقنامه های زیادی در زمینه ی داد و ستد اقتصادی در اروپا می باشد و تجارت با اروپا برای گرجستان، بسیار آسان و مقرون به صرفه است. داشتن این توافقنامه ها، راه تجارت را برای گرجستان به تمام کشورهای اروپایی و غیر اروپایی هموار می نماید. به عنوان مثال، توافقنامه ی تجارت آزاد با اروپا، توافقنامه ی تجارت آزاد با ترکیه، توافقنامه ی تجارت آزاد با روسیه و قزاقستان و غیره، همگی به این معنا هستند که گرجستان می تواند محصولاتی که در کشور خود تهیه شده است را بدون پرداخت هیچ گونه عوارض و مالیات گمرکی، وارد بازار این کشورها نماید و این موضوع یعنی یک تجارت پرسود برای گرجستان!

همه در جریان شرایطی که طی تحریم های سخت و سخت آمریکا برای ایران پیش آمده هستیم، تورم وحشتناک و نوسانات ارزی بسیار زیادی که ثبات بازار داخلی را کاملاً برهم زده، کمترین آسیب جدی ای است که طی تحریم ها به ایران وارد شده، تقویت روابط در زمینه ی تجارت با گرجستان برای ایران حکم راه نجات را دارد. ایران می تواند طی تجارت با گرجستان و صادرات محصولات خود به این کشور، این محموله ها را مستقیماً به بازار اروپا وارد نماید. البته این شرایط هم وجود دارد که بازرگانان و تجار ایرانی بتوانند محصولات مورد نظر خود را در گرجستان تولید کرده و سپس عرضه کنند. تنها راه و یا بهتر بگوییم شرط ورود محصولات ایرانی به بازار اروپا این است که این محصولات با بسته بندی و لیبل "ساخته شده در گرجستان" برای صادرات آماده شوند.

با اینکه شرایط ایران با توجه به موارد ذکر شده بسیار بد است و صادرات محصولات ایرانی در بالاترین کیفیت خود، آن هم با این شرایط و لیبل کشور دیگر بسیار ناراحت کننده است، اما در حال حاضر تنها راه نجات برای تجارت ایران همین موضوع می باشد. ایران به تجارت با گرجستان احتیاج دارد. به بیان خیلی ساده بهتر است بگوییم که اهمیت تجارت با گرجستان برای ایران حتی از اهمیت تجارت با کشورهای همسایه که بازاریابان ظرافت خرید محصولات ایرانی را به حد خیلی زیادی دارند هم بیشتر است.

منظور از تجارت با گرجستان برای ایران، تنها صادرات از ایران به گرجستان نیست، بلکه برای حفظ این رابطه ی دوستانه، واردات از گرجستان نیز جزو خطوط فعال تجارت ایران به شمار می رود. البته نباید نادیده بگیریم که صادرات گرجستان به ایران به نسبت صادرات ایران به گرجستان بسیار کمتر است، اما وجود دارد. واردات از گرجستان به ایران معمولاً شامل

აღსანიშნავია, რომ ირანულ მხარეს ოფიციალურადაც გაუკეთებია განცხადებები საქართველოს მეშვეობით ევროპულ ბაზარზე წვდომის შესაძლებლობის შესახებ, მათ შორის „ქართული ოცნების“ წარმომადგენლების თანდასწრებით. მაგალითად, 2017 წელს, ირანის თანამშრომლობის, შრომისა და სოციალური უზრუნველყოფის მინისტრმა, ალი რაბიემ, ირან-საქართველოს ერთობლივი ეკონომიკური კომისიის მეექვსე შეხვედრაზე [განაცხადა](#):

საქართველოს ევროკავშირთან ურთიერთობების გათვალისწინებით, საქართველო ირანული საქონლის ევროპაში ექსპორტისთვის ყველაზე შესაფერისი გზაა.

საერთაშორისო სანქციების თავიდან აცილების მიზნით გამოყენებული თაღლითური სქემების გამო, ირანული კომპანიები პერიოდულად ექვემდებარებიან სანქციებს. გამონაკლისს არც საქართველოში რეგისტრირებული ირანული კომპანიები წარმოადგენენ, რომლებიც მსგავს ჩამონათვალში რამდენჯერმე აღმოჩნდნენ და დასანქცირდნენ:

2014 წელი, აშშ-ს სახაზინო დეპარტამენტის [სანქცია](#)

დასანქცირდნენ ის ინდივიდები თუ ორგანიზაციები, რომლებიც გვერდს უვლიდნენ ირანის წინააღმდეგ დაწესებულ ამერიკულ სანქციებს და ხელს უწყობდნენ ტერორიზმსა და ირანის ბირთვული პროგრამის განვითარებას.

სახაზინო დეპარტამენტმა დაასანქცირა შემდეგი ინდივიდები:

- ფურია ნაიები,
- ჰოუშენგ ჰუსეინფორი,
- ჰოუშენგ ფარსუდეჰი.

თავის მხრივ, სანქციები შეეხო ამ ინდივიდების მიერ საქართველოში დაფუძნებულ კომპანიებს:

- Caucasus Energy
- Georgian Business Development,
- Great Business Deals,
- New York Money Exchange.

2011 წელს, აღნიშნულმა პირებმა [შეიძინეს](#) სს „ინვესტბანკის“ აქციების 70 %. მოგვიანებით კი, მათ ქართული ბანკის მეშვეობით დაახლოებით 8 მილიონი აშშ დოლარის ტრანზაქცია განახორციელეს ირანულ ბანკებში (Bank Melli, Mir Business Bank, Bank Saderat და Bank Tejarat).

2019 წელი,

აუგ-ის პაჭრობისა და უსაფრთხოების ბიუროს სანქციები

დასანქცირდნენ ის ორგანიზაციები თუ ინდივიდები, რომლებიც ხელს უწყობდნენ ამერიკული წარმოების ალუმინის პროდუქციის ირანში უკანონო ექსპორტს.

სანქციები შეეხო 2008 წელს საქართველოში ირანელი ბიზნესმენების მიერ დაფუძნებულ კომპანიას, Georgia Pethrochemical and Aviatech.

2021 წელი

აუგ-ის პაჭრობის დაპატიმრების სანქციები

დასანქცირდა 37 ორგანიზაცია, რომელიც ამერიკის საგარეო პოლიტიკური ან ეროვნული უსაფრთხოების ინტერესების წინააღმდეგ მოქმედებდნენ. კერძოდ, ეს კომპანიები ხელს უწყობდნენ (ან ცდილობდნენ, რომ ხელი შეეწყოს) ამერიკული პროდუქციის ირანისთვის მიწოდებას, რაც, თავის მხრივ, ირანის კონვენციური იარაღების ან სარაკეტო პროგრამებისთვის მატერიალურ მხარდაჭერას წარმოადგენდა. მათ შორის აღმოჩნდნენ საქართველოში რეგისტრირებული შემდეგი კომპანიები:

- ROV Solutions
- SAEROS Safety ERO Company
- Gensis Engineering

იხილეთ ინფორმაცია თითოეული მათგანის შესახებ:

კომპანია საქართველოში დარეგისტრირდა 2012 წელს, ხოლო, საჯარო რეესტრის ამონაწერის მიხედვით, კომპანიის რეგისტრაცია, 2025 წლის 23 აპრილის მონაცემებით, გაუქმებულია. კომპანია რეგისტრირებული იყო პლ. იოსელიანის ქ. N 2-ში. კომპანიის დირექტორი და წილების 100%-ის მფლობელი ლევან კოტიაშვილი გახლდათ.

ROV Solutions

შპს საფეტი ე.რ.ო. კომპანიის საქართველოში დარეგისტრირდა 2013 წელს, ხოლო საჯარო რეესტრის ამონაწერის მიხედვით, კომპანიის რეგისტრაცია, 2025 წლის 23 აპრილის მონაცემებით, [გაუქმებულია](#).

საჯარო რეესტრის 2017 წლის [ამონაწერის](#) მიხედვით, შპს საფეტი ე.რ.ო. კომპანიის დირექტორი იყო ირაკლი კოტიაშვილი, ხოლო კომპანიის წილების 100 %-ის მფლობელი ნინო ჯულაყიძე.

საყურადღებოა, რომ კომპანიის დირექტორი ირაკლი კოტიაშვილი შპს ROV Solutions-ის დირექტორის, ლევან კოტიაშვილის შვილია, ხოლო ნინო ჯულაყიძე ლევან კოტიაშვილის მეუღლეა.

**SAEROS Safety
ERO Company**

კომპანია საჯარო რეესტრის ვებ-გვერდზე არ იძებნება. თუმცა, აშშ-ის ვაჭრობის დეპარტამენტის მიერ გავრცელებული ინფორმაციის მიხედვით, კომპანია საქართველოსა და თურქეთში არის რეგისტრირებული. კერძოდ, კომპანიის ქართული ფილიალი დარეგისტრირებულია იოსელიანის ქუჩა N2-ში. საყურადღებოა, რომ ზემოთ ხსენებული დასაწესიერებული კომპანიებიც (Rov Solutions, SAEROS Safety ERO Company) აღნიშნულ მისამართზე იყვნენ რეგისტრირებულები (თბილისი, პლ. იოსელიანის ქ. N2, ბ. 6), რაც ცხადყოფს ამ სამი კომპანიის მიღმა არსებულ საექვო ქსელს.

**Gensis
Engineering**

აშშ-ის სახაზინო დეპარტამენტის მიერ აღნიშნული სამი კომპანიის დასაწესიერების შემდეგ, ლევან კოტიაშვილმა ერთ-ერთ [ინტერვიუში](#) დაადასტურა, რომ ამ კომპანიებში მას ჰყავდა პარტნიორი, სახელად „გოჩინ“, რომელსაც ჰქონდა ტურისტული სააგენტო. თუმცა, კოტიაშვილის თქმით, გოჩინი კომპანიების სარეგისტრაციო დოკუმენტაციაში „არ ჩანდა“.

ჟურნალისტის კითხვაზე, ამ კომპანიების მეშვეობით სრულდებოდა თუ არა უკანონო ქმედებები, კოტიაშვილმა [აღნიშნა](#): „ალბათ, შეიძლება, იმათმა თუ რამე აწარმოეს ან გააკეთეს უჩემოდ ამ კომპანიებით, ეს არ ვიცი“.

ირანთან დაკავშირებული ქართული ორგანიზაციები/ინდივიდები

ბოლო ორი ათწლეულის განმავლობაში, დაფიქსირდა არაერთი პრეცედენტი, როდესაც ირანთან დაკავშირებულმა პირებმა საქართველოს ტერიტორია ისლამური რესპუბლიკის სასარგებლო ქმედებებისთვის გამოიყენეს. მაგალითად,

2024 წლის აპრილში, Wikilran¹-მა [გაავრცელა](#) ინფორმაცია ირანის ნედლი ნავთობის გაყიდვების ხელშეწყობი 4 ქართული კომპანიის შესახებ. წყაროს მიხედვით, აღნიშნულმა ქართულმა კომპანიებმა ირანის ისლამური რესპუბლიკის თავდაცვის სამინისტროსა და შეიარაღებული ძალების სააგენტოსგან (MODAFL) ნავთობი არაერთხელ შეიძინეს.

„ეს კომპანიები იმართება, მფლობელობაშია ან აფილირებულია ირანის მოქალაქეებთან, ან თავად MODAFL-თან“ ([Wikilran](#)). საქართველოში დაფუძნებული ხსენებული კომპანიების თეირანთან სავარაუდო კავშირები არ არის გასაკვირი, რადგან მათი ხელმძღვანელი და/ან წილების მფლობელი პირების ნაწილი სწორედ ირანის მოქალაქეები არიან.

წარმოგიდგენთ ინფორმაციას აღნიშნული ქართული კომპანიების შესახებ:

1

შპს GHATRAN PETROLEUM (ს/კ: 400052802)

MODAFL-თან სავარაუდო კავშირის მქონე კომპანია საქართველოში 2012 წელს დარეგისტრირდა. 2022 წლის [ამონაწერის](#) მიხედვით, კომპანიის დირექტორი ირანის მოქალაქე სეიედჯავად მოუსავია, ხოლო კომპანიის მესაკუთრეები არიან: საქართველოს მოქალაქეები - დავით შოშიტაშვილი (5 %), თამაზ ჩადუნელი (5 %), და ირანის მოქალაქეები - სეიედჯავად მოუსავი (80 %), სეიედამირჰოსეინ მოუსავი (10 %).

Wikilran-ის მიხედვით, შპს GHATRAN PETROLEUM დაკავშირებულია ირანულ კომპანია GHATRAN KAVEH OIL PETROLEUM-თან, რომელიც გადამამუშავებული ნავთობპროდუქტების მწარმოებელი და ექსპორტიორია. მიუხედავად იმისა, რომ ქართულ კომპანიასა და ირანის თავდაცვის სამინისტროს შორის პირდაპირი კავშირი არ დგინდება, Wikilran-ის მიერ მოპოვებული ინფორმაციის

1. Wikilran არის ირანიდან მიგრირებული პროფესიონალების გაერთიანება, რომელიც ავრცელებს ინფორმაციას ირანის ისლამური რესპუბლიკის მიერ საერთაშორისო სამართლისა და რეგულაციების დარღვევის შესახებ. ორგანიზაციის მიზანია რეჟიმზე საერთაშორისო ზეწოლის გაძლიერება. ორგანიზაცია ინფორმაციას იძიებს ღია წყაროების და ასევე, სხვა მოკავშირე ორგანიზაციების/ინდივიდების დახმარებით.

თანახმად, კომპანიას კონტრაქტი აქვს გაფორმებული დასანქცირებულ კომპანია Sahara Thunder -თან.²

ასევე, საყურადღებოა, რომ შპს Ghatran Petroleum-ის მენილერებს საქართველოში არაერთი სხვა კომპანია აქვთ დარეგისტრირებული. ირანულ კომპანიასთან მათი კავშირები საფუძვლიან ეჭვს ბადებს, რომ მათ მიერ საქართველოში დაფუძნებული კომპანიებიც შესაძლოა გარკვეული სქემის ნაწილი იყოს. შესაბამისად, წარმოგიდგენთ შპს Ghatran Petroleum-ის მენილე საქართველოს მოქალაქეთა მფლობელობაში არსებული კომპანიების ჩამონათვალს, რომელთა ნაწილს საეჭვო კავშირები აქვს იარაღის კონტრაბანდის ბიზნესთან.

შპს Ghatran Petroleum-ის 5 %-იანი წილის მფლობელი დავით შოშიტაშვილის სახელი 4 ქართულ კომპანიას უკავშირდება:

- შპს დათა (ს/კ 204960088; დარეგისტრირდა 2001 წლის 30 მარტს)
- შპს ქართული პაბი (ს/კ 405145105; დარეგისტრირდა 2016 წლის 13 აპრილს)
- შპს ინოვაციური ენერგოეფექტური ტექნოლოგიების საწარმოო კომპანია (ს/კ 406293201; დარეგისტრირდა 2019 წლის 25 ოქტომბერს)
- შპს ეკონომიკური მართვის განვითარების და დახმარების ფონდი (ს/კ 400018413; დარეგისტრირდა 2011 წლის 28 მარტს)

შპს ეკონომიკური მართვის განვითარების და დახმარების ფონდის მენილერებთან დაკავშირებით მნიშვნელოვანი დეტალია გასათვალისწინებელი. აღნიშნული კომპანიის ერთ-ერთი მენილერა **გივი ბახტაძე (8.75 %), რომელიც საქართველოს ყოფილი პრემიერ-მინისტრის, მამუკა ბახტაძის მამაა.** შეგახსენებთ, რომ მამუკა ბახტაძე, პრემიერობის პერიოდში თანამშრომლობის გაძლიერების მიზნით არაერთ შეხვედრას მართავდა ირანის ისლამური რესპუბლიკის წარმომადგენლებთან. მაგალითად, 2017 წელს, ბახტაძე [შეხვდა](#) ირანის ისლამური რესპუბლიკის ტრანსპორტისა და ურბანული განვითარების მინისტრ აბას ახუნდის. შეხვედრაზე მხარეებმა ტრანსკასპიური საერთაშორისო სატრანსპორტო დერეფნის „ეფექტიანად გამოყენების საკითხები“ განიხილეს.

2. კომპანია Sahara Thunder ირანის თავდაცვის სამინისტროსა და შეიარაღებული ძალების ლოგისტიკის სააგენტოს (MODAFL) ექვემდებარება. აშშ-ს სახაზინო დეპარტამენტის მიხედვით, კომპანია ასრულებს მნიშვნელოვან როლს ირანული უპილოტო საფრენი აპარატების წარმოებასა და რუსეთისთვის მიწოდებაში. კომპანია ხელმძღვანელობს ქსელს, რომლის მეშვეობითაც ირანული საქონელი მიეწოდება ჩინეთს, რუსეთსა და ვენესუელას.

აღნიშნულ კონტექსტში, მამუკა ბახტაძის³ მამას, გივი ბახტაძესა და ირანის მოქალაქეების ბიზნეს პარტნიორს, დავით შოშიტაშვილს შორის არსებული პარტნიორული კავშირი აჩენს საფუძვლიან ეჭვს, რომ ბახტაძის პრემიერობის პერიოდში, ირანთან თანამშრომლობა შესაძლოა მხოლოდ ფორმალური შეხვედრებით არ შემოფარგლულიყო და რეალურად ფარულ ბიზნეს ინტერესებსაც მოიცავდა.

საჯარო სამსახურის ბიურო
თანამდებობის პირის ქონებრივი მდგომარეობის დეკლარაცია

სახელი, გვარი: მამუკა ბახტაძე თანამდებობის პირის დეკლარაცია შევსებულია: 23/03/2016	#959716
--	---------

სამსახური, დაკავებული (ყოფილი) თანამდებობა:
სს-საქართველოს რკინიგზა, გენერალური დირექტორი
 სამსახურის მისამართი, ტელეფონი: საქართველო, თბილისი, თამარ მეფის გამზირი 15, 199555
 დაბადების ადგილი, დაბადების თარიღი: საქართველო, თბილისი, 09/06/1982

თქვენი ოჯახის წევრების (მეუღლე, არასრულწლოვანი შვილი, (გერი), თქვენთან მუდმივად მცხოვრები პირი) მონაცემები				
სახელი	გვარი	დაბადების ადგილი	დაბადების რიცხვი, თვე, წელი	ნათესაური ან სხვაგვარი კავშირი
გივი	ბახტაძე	საქართველო, ხონი	16/03/1945	მამა
მანანა	ნანიტაშვილი	საქართველო, თბილისი	09/02/1959	დედა

ფოტოს აღწერა: **მამუკა ბახტაძის დეკლარაცია, 2016 წელი.**

სუბიექტი

საფირმო სახელწოდება: შპს ეკონომიკური მართვის განვითარების და დახმარების ფონდი

სამართლებრივი ფორმა: შეზღუდული პასუხისმგებლობის საზოგადოება

საიდენტიფიკაციო ნომერი: 400018413

რეგისტრაციის ნომერი, თარიღი: 28/03/2011

მარეგისტრირებელი ორგანო: სსიპ საჯარო რეგისტრის ეროვნული სააგენტო

იურიდიული მისამართი: საქართველო, თბილისი, გლდან-ნაძალადევის რაიონი, დეპოს ქ., № 24

დამატებითი ინფორმაცია:
 სხვა მისამართი: საქართველო, გარდაბანი, სადგური ველი, სოფელი გაჩიანი
 ელ. ფოსტა: georgianbitumen@yahoo.com
დამატებითი ინფორმაციის ნამდვილობაზე პასუხისმგებელია ინფორმაციის მომწოდებელი პირი.

ინფორმაცია ლიკვიდაციის/ რეორგანიზაციის/ გადახდისუნარიანობის პროცესის მიმდინარეობის შესახებ

რეგისტრირებული არ არის

ხელმძღვანელობა/ნარმოვანდგენლობა

* დირექტორი - 01021000618, რამაზ გოგისვანიძე

შესაკუთრე	წილი
01021000618, რამაზ გოგისვანიძე	69.750000000%
01006011575, გივი ბახტაძე	8.750000000%
01024029673, ბონდო ფირანიშვილი	7.500000000%
64№2091498, , , დავით პაპუკაშვილი, რუსეთის ფედერაცია	10.000000000%
01009008101, დავით შოშიტაშვილი	4.000000000%

ფოტოს აღწერა: **შპს ეკონომიკური მართვის განვითარების და დახმარების ფონდის ამონაწერი საჯარო რეგისტრიდან.**

3. მამუკა ბახტაძე 2017-2018 წლებში იკავებდა საქართველოს ფინანსთა მინისტრის პოსტს, ხოლო 2018-2019 წლებში პრემიერ-მინისტრის თანამდებობაზე იმყოფებოდა.

შპს Ghatran Petroleum-ის 5 %-იანი წილის მესაკუთრე თამაზ ჩადუნელის⁴ სახელი 7 ქართულ კომპანიას უკავშირდება:

შპს ტრანს ვეი ჯი (ს/კ 404864820; დარეგისტრირდა 2010 წლის 14 ივნისს; თამაზ ჩადუნელი მისი დირექტორი და 25 % წილის მფლობელია)

კომპანიის წილების 51 %-ს ფლობს ბორის მჭედლიძე, 24 %-ს კი, დავით ჩუტკერაშვილი. დავით ჩუტკერაშვილის შესახებ ღია წყაროებში [იძებნება](#) ინფორმაცია, რომ იგი მრავალი წლის მანძილზე იარაღს აწვდიდა სხვადასხვა დაჯგუფებებს, ისეთ კონფლიქტურ ზონებში, როგორებიცაა აფრიკა და ავღანეთი.

შპს არჯი (ს/კ 443857300; დარეგისტრირდა 2013 წლის 8 ივლისს; თამაზ ჩადუნელი კომპანიის 40 %-ის მფლობელია, ხოლო დანარჩენი 60 % ეკუთვნის სომხეთის მოქალაქე **ვრეჟი ოჰანიანს**)

შპს დ.მ.დ.ტ ჰოლდინგი (ს/კ 443867273; დარეგისტრირდა 2019 წლის 15 თებერვალს; თამაზ ჩადუნელი მისი დირექტორი და 50 %-იანი წილის მფლობელია, ხოლო კომპანიის დანარჩენი 50 % ეკუთვნის ჩეხეთის მოქალაქე **და-ლიბორ კოპკ-ს** (უფრო ვრცლად იხ. შემდეგი თავი) (610804/1775, 45214031)).

შპს თრინითი (ს/კ 406304306; დარეგისტრირდა 2020 წლის 10 მარტს, თამაზ ჩადუნელი მისი დირექტორი და 50 %-იანი წილის მფლობელია)

შპს მ.ტ.დ ჰოლდინგი (ს/კ 443870535; დარეგისტრირდა 2021 წლის 14 მაისს; მისი 100 %-იანი წილების მფლობელი თამაზ ჩადუნელია)

შპს ჯორჯიან ქომერს ინვესტ ენდ ლოჯისტიქს (ს/კ 402220486; დარეგისტრირდა 2022 წლის 30 მაისს; თამაზ ჩადუნელი კომპანიის 75 %-იანი წილის მფლობელია, ხოლო კომპანიის 25 % ეკუთვნის უცხოეთის მოქალაქეს, **სამი იუსსეფ მაატოუკს**)

შპს რ. ბალტიკ. კორპორაციონ (ს/კ 443872506; დარეგისტრირდა 2022 წლის 14 სექტემბერს; თამაზ ჩადუნელი კომპანიის 10 %-ის მფლობელია, ხოლო 90 %-იანი წილი ეკუთვნის ლიეტუვის მოქალაქე **ბილა ვიდმანტას**).

შპს გალერეა გვირაბი (ს/კ 202201786; დარეგისტრირდა 2002 წლის 18 ოქტომბერს; 2025 წლის [მონაცემებით](#), კომპანიის მესაკუთრეები არიან ივანე მარტიაშვილი (59 %), დავით ფანჯაკიძე (25 %), გიორგი ხმალაძე (12.5 %), ნიკოლოზ ხმალაძე (12.5 %)).

4. 2020 წლის საპარლამენტო არჩევნებში თამაზ ჩადუნელი თამაზ მეჭიაურის პარტიის („თამაზ მეჭიაური ერთიანი საქართველოსთვის“) მიერ ხაშურის და ქარელის მაჟორიტარ კანდიდატად იყო [წარდგენილი](#).

2018 წლის [ამონაწერის](#) მიხედვით, შპს გალერეა გვირაბი ოპერირებდა სახელწოდებით “შპს კავკასიონი-იბერია”. ამავე წლის 20 მარტის მონაცემებით, მისი დირექტორი იყო თამაზ ჩადუნელი, ხოლო მენილეები იყვნენ ვახტანგ გვარამია (საქართველოს საკონსტიტუციო სასამართლოს ყოფილი წევრი), ვახტანგი ქუთათელაძე (საქართველოს სახელმწიფო უშიშროების მინისტრი 1998-2001 წლებში) და ევგენი ხარბედია.

ინტერნეტ-სივრცეში გავრცელებული ინფორმაცია ადასტურებს, რომ აღნიშნულ პირებს შესაძლოა თანამდებობები არაკეთილსინდისიერად ჰქონდეთ გამოყენებული. კერძოდ, 2002 წელს “კვირის პალიტრამ” [გამოაქვეყნა](#) სტატია, რომელიც ეხებოდა საქართველოს იმდროინდელ სახელმწიფო უწყებებსა და იარაღის ბიზნესის წარმომადგენლებს შორის შესაძლო ფარულ გარიგებებს. სტატიის მიხედვით, კომპანია შპს “კავკასიონმა”, რომლის თანადამფუძნებლებიც ვალერი კონჯარია და ევგენი ხარბედია იყვნენ, იარაღის იმპორტისა და რეალიზაციის ლიცენზია სწორედ იმდროინდელი იუსტიციის მინისტრის მოადგილის, ვახტანგ გვარამიას დახმარებით მოიპოვა. ამავე პერიოდში, “შპს კავკასიონის” ინტერესებს ლობირებდნენ სახელმწიფო თანამდებობის პირები, ვახტანგ გვარამია და ვახტანგ ქუთათელაძე, რომლებიც ამ “დახმარების” სანაცვლოდ, იარაღის რეალიზაციით მიღებული მოგების 25-25 პროცენტს იღებდნენ.

მსგავსი წარსულის მქონე პირებსა და თამაზ ჩადუნელს შორის არსებული პარტნიორული კავშირი აძლიერებს ეჭვებს, რომ ჩადუნელი ირანულ კომპანიებთან თანამშრომლობის მიღმა, შესაძლოა კავშირში იყოს იარაღის კონტრაბანდაში ჩართულ პირებთანაც. ამ ეჭვებს ამყარებს ჩადუნელსა და იარაღის კონტრაბანდაში ბრალდებულ ჩეხეთის მოქალაქე დალიბორ კოპკს შორის არსებული ბიზნეს პარტნიორობაც - ამ უკანასკნელს იარაღის კონტრაბანდაში მონაწილეობისთვის ბრალდება წაყენებული აქვს.

ვინ არის თამაზ ჩადუნელის ბიზნეს პარტნიორი დალიბორ კოპკი?



Chtějí ho dostat do tepláků, tvrdí obhájce



Dalibor Kopp

Pavel Maký | 14.8.2007

BRNO - Dalibor Kopp může jít za mříže až na deset let. Žaloba jej viní z přípravy prodeje munice, kulometů a dalších zbraní do světa.

Pokud by šestačtyřicetiletému podnikateli Daliboru Koppovi vyšel podnikatelský plán, mohl se stát největším nelegálním vývozcem zbraní z Česka do ciziny. Z obchodu sice sešlo, ale i tak sedí obchodník z Pavlic na Znojmsku před trestním senátem brněnského krajského soudu.

Žaloba Koppa viní z přípravy prodeje milionů kusů munice a tisíců pušek, kulometů a dalších zbraní do několika zemí světa. Mimo jiné i do Iráku. Navíc chtěl podle žaloby dovážet z Ukrajiny společně s druhým obžalovaným, jedenasedmásetiletým Jiřím Ondrouchem, zbraně za bezmála dva miliony dolarů.

“სამოქალაქო იდეამ” საჯარო რეესტრის ამონაწერის საფუძველზე დაადგინა, რომ თამაზ ჩადუნელის კომპანიაში, შპს დ.მ.დ.ტ, ჰოლდინგში ერთ-ერთი დირექტორი და მეწილე ჩეხეთის მოქალაქე დალიბორ კოპპია, რომლის საიდენტიფიკაციო დოკუმენტი ამავე ამონაწერშია მითითებული.

ინტერნეტ-სივრცეში საჯაროდ ხელმისაწვდომი წყაროების საფუძველზე დგინდება, რომ დალიბორ კოპპის სახელს არაერთი სკანდალი უკავშირდება:

გავრცელებული ინფორმაციით, 1995 წელს იგი ჩართული იყო იარაღის კონტრაბანდაში. კერძოდ, მან კავშირები [დაამყარა](#) პალესტინის ექსტრემისტ ჯგუფთან, ჰამასთან, რომელთანაც მოლაპარაკებებს აწარმოებდა 25 000 პისტოლეტ-ტყვიამფრქვევისა და 12 მილიონი ვაზნის მიწოდებასთან დაკავშირებით.

1995 წელს კოპპს მოლაპარაკებები [ჰქონდა](#) არაბ მოვაჭრეებთან საიარაღო მასალის ახლო აღმოსავლეთში ექსპორტთან დაკავშირებით. გარიგების დასაფარად, დალიბორ კოპპისგან საბრძოლო მასალა შეისყიდა იემენში დაფუძნებულმა კომპანიამ, რომელმაც შემდგომში მასალა ერაცს მიყიდა.

დალიბორ კოპპს, ასევე, ბრალი ედებოდა ყაზახეთიდან მარიხუანისა და ათასობით პისტოლეტ-ტყვიამფრქვევის იმპორტში.

კოპი, ასევე, ეჭვმიტანილი იყო 2004 წელს ერაცში სამხედრო დაჯგუფებებისთვის, მათ შორის ისლამისტი ტერორისტი ჯგუფებისთვის, იარაღების მიწოდებასა და ასევე, ლიბერიაში იარაღების გადაზიდვაში. ამის გამო, დალიბორ კოპპს ბრალი ჩეხეთში წაუყენეს. გამოძიების ფარგლებში, დადგინდა, რომ მისი კომპანია არაღელვარად იყო ჩართული ვაზნის წარმოებასა და იმპორტში. თუმცა, გამოძიების დასრულებამდე, კოპი ქვეყნიდან გავიდა, რის შედეგადაც ჩეხეთმა მისი დაკავების შესახებ საერთაშორისო ორდერი გასცა.

2004 წლის დეკემბერში, ინტერპოლის მოთხოვნით, დალიბორი [დააპატიმრეს](#) ლიბერიაში გაეროს მისიის სამხედრო წარმომადგენლებმა და გადასცეს ლიბერიის ხელისუფლებას. თუმცა, მან ლიბერიის ერთ-ერთი ოფიციალური პირის დახმარებით, თავი დააღწია პატიმრობას და ინტერპოლის ოფიცრების ჩამოსვლამდე რამდენიმე საათით ადრე ქვეყნიდან გაიქცა.

ჩეხეთის რესპუბლიკამ სამართლებრივი დახმარებისთვის [მიმართა](#) ამერიკის ფედერალურ სასამართლოს 2005 წლის 8 ივნისს. სამართლებრივი დახმარების შესახებ მოთხოვნა ეხებოდა დალიბორ კოპპს, იოსეფ ონდრაუჩს, დანა ლირიდს, ASC International-ს, Kopp Arms-სა და Spetstechnoexport-ს.

2008 წელს, ბრნოს რეგიონულმა სასამართლომ დალიბორ კოპპს, 1998-2004 წლებში საბრძოლო მასალით არაღელვარული ვაჭრობისთვის, 4 წელი და 9 თვე [მიუსაჯა](#) თავისუფლების აღკვეთის სახით.

ჩეხი პოლიციის პრესსპიკერის, ბლანკა კოსინოვას, [განცხადების](#) მიხედვით: „ისინი აგზავნიდნენ იარაღს აფრიკაში, ახლო აღმოსავლეთში, ერაცში, ირანსა და ისრაელში“.

2

შპს რაზი ოილ რეფინერი (Razi Oil Refinery, ს/კ: 439408687)

მეორე კომპანია, რომელიც Wikilran-ის მიერ გავრცელებული ინფორმაციით, MODAFL-თან საექვო კავშირშია ექვმიტანილი, საქართველოში რეგისტრირებული კომპანია შპს „რაზი ოილ რეფინერია“. 2017 წლის [ამონაწერის](#) მიხედვით, კომპანია დარეგისტრირდა 2017 წლის 13 ოქტომბერს. მას შემდეგ, მენარმეთა და არასამენარმეო იურიდიული პირების რეესტრში კომპანიის შესახებ სხვა ამონაწერი არ იძებნება. კომპანიის დირექტორი და წილების 100 %-იანი მესაკუთრეა ირანის მოქალაქე, მეპრდად ბეიქპოური.

ირანული ნავთობკომპანია Razi Oil Refinery-ის ოფიციალური ვებ-გვერდიდან ირკვევა, რომ საქართველოში დარეგისტრირებული შპს „რაზი ოილ რეფინერი“ მის შვილობილ კომპანიას წარმოადგენს.


پالایش نفت رازی / نمایندگی دفتر گرجستان

نمایندگی دفتر گرجستان



Ministry of Justice of Georgia
LEPL National Agency of Public Registry

Serial number of the application registration, date of preparation: B17114167



مدیر دفتر گرجستان جناب آقای مهرداد نیک پور

آدرس دفتر گرجستان: No 193, Sh.Nutsubidze St, Vasa, Tbilisi, Georgia

تلفن دفتر گرجستان: 0099532231931

تلفن همراه گرجستان: 00995557547036 Georgia.management@razi-refinery.com

شماره ثبت دفتر گرجستان (RAZI LLC): 439408687

ფოტოს აღწერა⁵: „საქართველოს ოფისის წარმომადგენელი, საქართველოს ოფისის დირექტორი ბატონი მეპრდად ბეიქპოური

საქართველოს ოფისის მისამართი:
საქართველო, თბილისი, ნუცუბიძის ქუჩა, N 193

საქართველოს ოფისის ტელეფონის ნომერი: 0099532231931

საქართველოს მობილური ნომერი:
0095557547036 Georgia.management@razi-refinery.com

საქართველოს ოფისის რეგისტრაციის ნომერი (შპს რაზი): 439408687“.

3

შპს ბლუ ოილ ქომფანი (Blu Oil Company; ს/კ: 406251764)

მესამე კომპანია, რომელიც სავარაუდოდ MODAFL-თანაა დაკავშირებული, 2018 წლის [ამონაწერის](#) მიხედვით, საქართველოში დარეგისტრირდა 2018 წლის 16 ივლისს. კომპანიის დირექტორი და წილების 100 %-ის მფლობელი საქართველოს მოქალაქე დოდო ჩალიგავაა. 2018 წლის შემდეგ, მენარმეთა და არასამენარმეო იურიდიული პირების რეესტრში კომპანიის შესახებ სხვა ამონაწერი არ იძებნება.

5. ფოტო გადმოტანილია ირანული კომპანია Razi Oil Refinery-ის ოფიციალური ვებგვერდიდან.

საქართველოს იუსტიციის სამინისტრო
საჯარო რეესტრის ეროვნული სააგენტო

გადაწყვეტილება # B18076471/3 (17/07/2018 17:47:31)

რეგისტრაციის შედეგები

საქართველოს ეროვნული სააგენტოს მიერ მიღებული იქნა განცხადება #B18076471 17/07/2018 14:39:36 (განმცხადებელი: ამირ ფორუმანდუკიანი/01291023348/), რომლითაც მოთხოვნილია ამონაწერის მომზადება მენარმეთა და არასამენარმეო იურიდიულ პირთა რეესტრიდან.

სამართლებრივი ფორმა: შეზღუდული პასუხისმგებლობის საზოგადოება
დასახელება: შპს ბლე თელ ქოშენი
საიდენტიფიკაციო კოდი: 406251764

„ზაქარო რეესტრის შესახებ“ საქართველოს კანონის შესაბამისად, მიღებულ იქნა გადამწყვეტილება მოთხოვნის დაკმაყოფილების თაობაზე.

გადანწყვტილება ძალაში შუდის გამოქვეყნებისთანავე.

გადანყვებულება გამოქვეყნებიდან 30 კალენდარული დღის ვადაში შეიძლება გასაჩივრდეს სასამართლოს წესით.

საქართველოს ეროვნული სააგენტო :: მისამართი: ქ. თბილისი, სანაპიროს ქ. N2 :: www.reestr.gov.ge

[illegible]

ფოტოს აღწერა: საჯარო რეესტრის ვებ-გვერდზე ჩანს, რომ 2018 წელს, შპს ბლუ ოილ კომფანის ამონაწერის მომზადების მოთხოვნით, საჯარო რეესტრს მიმართა ირანის მოქალაქე ამირ ფოროუზანდიჰსამანიმ. ⁶

Wikilran-ის მიერ მოპოვებული [ინფორმაციით](#), შპს „ბლუ ოილ ქომფანი“ წარმოადგენს შუამავალ კომპანიას ირანის თავდაცვის სამინისტროს კომპანია Sahara Thunder-თვის და ხელს უწყობს ირანული ნავთობის ჩინეთში ექსპორტირებას. Sahara Thunder-სა და „ბლუ ოილ“-ს შორის ერთ-ერთ მიმონერაში Sahara Thunder ღიად აღწერს ნავთობის ირანული წარმოშობის დამალვის გზას: სამი ირანული ხომალდიდან ([Argo](#), [Global Beauty](#), [Harmony](#)⁷) მიღებული ნავთობის გადატანა ხდება [Dune](#)⁸ სახელწოდების გემზე. შემდეგ, ნავთობის ტრანსპორტირება ხდება [Cathay Phoenix](#)⁹ სახელწოდების ხომალდით. შედეგად, ნავთობის ირანული წარმოშობის კვალი იკარგება და მისი ექსპორტირება ხდება ჩინეთში.

კომპანიის დირექტორი და წილების 100 %-იანი მესაკუთრეა საქართველოს მოქალაქე დოდო ჩალიგავა, რომლის სახელიც 7 ქართულ კომპანიას უკავშირდება:

6. ამირ ფოროუზანდეჰსამანის მიერ არის დაფუძნებული კომპანია შპს სარა ქარფეთ (ს/კ 430802679). კომპანიის წილების 50 %-ის მფლობელია ამირ ფოროუზანდეჰსამანი, 50 %-ის კი, საიედმოჰსენ სანაიე.
7. სამივე ხომალდი დასანქცირებულია აშშ-ის მიერ.
8. დასანქცირებულია აშშ-ის მიერ.
9. დასანქცირებულია აშშ-ის მიერ.

შპს ევროტურიზმი (ს/კ 428884950, დარეგისტრირდა **2018 წლის 31 ოქტომბერს**; დოდო ჩალიგავა მისი დირექტორი და წილების 50 %-ის მფლობელია)

შპს ჰარათ პეტრო (ს/კ 404561602, დარეგისტრირდა **2018 წლის 27 ივლისს**; დოდო ჩალიგავა მისი დირექტორი და წილების 100 %-ის მფლობელია)

შპს პასკო კომპანი (ს/კ 428884479, დარეგისტრირდა **2018 წლის 25 ივლისს**; დოდო ჩალიგავა მისი დირექტორი და წილების 100 %-ის მფლობელია)

შპს ავღან ოილ (ს/კ 406253058, დარეგისტრირდა **2018 წლის 27 ივლისს**; მისი დირექტორი და წილების 100 %-ის მფლობელი დოდო ჩალიგავაა)

შპს ათენა (ს/კ 422433637, დარეგისტრირდა **2021 წლის 21 ოქტომბერს**; დოდო ჩალიგავა მისი დირექტორი და წილების 100 %-ის მესაკუთრეა)

შპს სეთარე (ს/კ 422441478, დარეგისტრირდა **2023 წლის 22 ნოემბერს**, მისი დირექტორი და წილების 100 %-ის მფლობელი დოდო ჩალიგავაა)

2018 წლის მხოლოდ ივლისის თვეში დოდო ჩალიგავას მიერ 4 კომპანიის ერთდროულად დარეგისტრირება საკმაოდ საეჭვო გარემოებას წარმოადგენს. ეჭვებს აძლიერებს ის ფაქტიც, რომ ამ კომპანიების სახელწოდებების ნაწილი ირანული წარმოშობისაა (მაგალითად, შპს „ჰარათ პეტრო“, შპს „ავღან ოილ“). 2023 წელს დაფუძნებული კომპანია შპს „სეთარე“-ს სახელწოდებაც ირანული წარმოშობისაა (სეთარე - სპარსული სიტყვაა და ნიშნავს ვარსკვლავს).

საყურადღებოა, რომ ერთ-ერთი ირანულენოვანი [წყაროს](#) მიხედვით, დოდო ჩალიგავა სწავლობდა თბილისის სახელმწიფო უნივერსიტეტის ირანისტიკის მიმართულებაზე. როგორც ჩანს, 2016 წელს ჩალიგავა ირანში იმყოფებოდა და იმ 41 ქვეყნის წარმომადგენლებს შორის იყო, რომლებიც კულტურისა და ისლამური ურთიერთობების ორგანიზაციის ხელმძღვანელს [შეხვედნენ](#) ირანში.



ფოტოს აღწერა:
დოდო ჩალიგავას ფოტო
ირანულენოვან ვებ-გვერდზე.

MODAFL-თან საექვო კავშირის მქონე მეოთხე კომპანიაა შპს „ენჯინ ოილ რიფაინერი“. 2022 წლის [ამონაწერის](#) მიხედვით, კომპანია საქართველოში დარეგისტრირდა 2022 წლის 17 ივნისს. მას შემდეგ, მენარმეთა და არა-სამეწარმეო იურიდიული პირების რეესტრში კომპანიის შესახებ სხვა ამონაწერი არ იძებნება. კომპანიის დირექტორი და წილების 100 %-იანი მესაკუთრე ირანის მოქალაქე ჰოსსეინ ბაკტაშია. Wikilran-ის მიერ გავრცელებული [ინფორმაციით](#), აღნიშნული კომპანია ირანული ნავთობის გაყიდვის საექვო სქემაში მონაწილეობს.

აღსანიშნავია, რომ Wikilran-ის მიერ გავრცელებული ინფორმაცია მხოლოდ ოთხი ქართული კომპანიის ირანთან კავშირებს ეხება. თუმცა, ბოლო წლებში საქართველო-ირანის ურთიერთობების დინამიკის გათვალისწინებით, შეიძლება ითქვას, რომ ქართულ ბაზარზე შესაძლოა ოპერირებდნენ სხვა ინდივიდები ან ორგანიზაციები, რომლებიც დაკავშირებულნი არიან ირანის მოქალაქეებთან ან ირანულ სამთავრობო უწყებებთან.

“ქართული ოცნების” საგარეო პოლიტიკის პარალოქსი:

ირანის ისლამურ რესპუბლიკასთან პარაფიქსი აშშ-სთან ურთიერთობების გაღაფიქსი ურთხე

„ქართული ოცნების“ წარმომადგენლების პოპულისტურ დაპირებებს შორის ერთ-ერთი ვაშინგტონთან ურთიერთობების [„გადატვირთვის“](#) საკითხია. თუმცა, ჩნდება კითხვა: როგორ მოახერხებს „ოცნება“ ტრამპის ადმინისტრაციასთან ურთიერთობების „ახალი ფურცლიდან“ დაწყებას, მაშინ, როდესაც ამერიკისადმი მტრულად განწყობილ სახელმწიფოსთან აქტიურ დიპლომატიურ-ეკონომიკურ ურთიერთობებს აწარმოებს?

როგორც წინამდებარე ანგარიშში წარმოგიდგინეთ, „ქართულ ოცნებასა“ და ირანის ისლამურ რესპუბლიკას შორის ურთიერთობები დიპლომატიურ სპექტრს სცდება და აქტიურ სავაჭრო ურთიერთობებში გამოიხატება. ბოლო წლებში საქართველო ირანისგან სულ უფრო მზარდი რაოდენობის ნავთობპროდუქტებს იძენს. მხოლოდ 2024 წელს, საქართველოში შემოვიდა დაახლოებით 2 მილიონი აშშ დოლარის ღირებულების ნავთობი და ნავთობპროდუქტები, რაც წინა წლების მაჩვენებელს მნიშვნელოვნად აღემატება.

როგორც აღინიშნა, საქართველოში ბოლო წლებში ირანის მოქალაქეების მიერ დაფუძნებული კომპანიების რაოდენობა იზრდება. ირანულ ინტერნეტ-სივრცეში მოიძებნება ცალკეული საკონსულტაციო კომპანიების ან ირანის მოქალაქეების ბლოგები და სტატიები, სადაც ღიად არის აღწერილი, თუ როგორ შეუძლიათ ირანულ ბიზნესებს საქართველოს ტერიტორიის გამოყენებით საერთაშორისო სანქციებისთვის გვერდის ავლა. მოცემულ ანგარიშში წარმოგიდგინეთ მხოლოდ მცირე ნაწილი იმ ქართული კომპანიებისა, რომლებიც, ერთ-ერთი წყაროს მიხედვით, თანამშრომლობენ ირანის თავდაცვის სამინისტროსა და შეიარაღებული ძალების სააგენტოსთან.

ირანელი ბიზნესმენების მიერ საქართველოს ტერიტორიის მაქინაციური სქემებისთვის გამოყენება სიახლეს არ წამოადგენს. გასულ ათწლეულში, ამ მიზეზით, აშშ-ის მიერ საქართველოში რეგისტრირებული არაერთი კომპანია დასაწესდებოდა. თუმცა, ბოლო პერიოდში ირანსა და „ქართულ ოცნებას“ შორის განვითარებული ინტენსიური დიპლომატიური ინტერაქციები, სულ უფრო ხელსაყრელ გარემოს ქმნის იმ ინდივიდებისთვის/ორგანიზაციებისთვის, რომლებიც ისლამური რესპუბლიკის საგარეო პოლიტიკურ ინტერესებს ემსახურებიან.

აღსანიშნავია, რომ „სამოქალაქო იდეამ“ ამ კვლევის ფარგლებში გამოავლინა რამდენიმე საყურადღებო პრეცედენტი, რომელიც მოწმობს, რომ ირანის მოქალაქეების მიერ საქართველოში დაფუძნებულ კომპანიებთან დაკავშირებული არიან საქართველოს და/ან სხვა ქვეყნის მოქალაქე პირები, რომლებიც იარაღის კონტრაბანდაში არიან ჩართულნი. მაგალითისათვის, ირანის მოქალაქეების ბიზნეს პარტნიორი თამაზ ჩადუნელი თანამშრომლობს ჩეხეთის მოქალაქე დალიბორ კოპპთან, რომელიც, თავის მხრივ, წლების წინ იარაღს აწვდიდა ჰამასსა და სხვა ტერორისტულ დაჯგუფებებს. მსგავსი ფაქტები ცხადყოფს, რომ საქართველოში ბიზნეს გარემო სულ უფრო გაუმჭვირვალე და კრიმინალური სქემებისთვის ხელსაყრელი ხდება.

